



ЫДЫКТЫГ СҮЛДЕГЕ МӨРГҮЛДҮҢ ТЫВА ДЫЛЧЕ ОЧУЛГАЗЫ

Дээрниң Хааны, Алыс шынның Сүлдези болур Өмээржикчи*, кайда-даа бар база бүгүдени бүргээн, буянның Эртинези болгаш Амыдыралдың Чаякчызы! Бээр кээп, бистиң аравыска чурттап көр. Кандыг-даа бужар чоруктан арыглап, бистиң амы-тынывысты камгалап көр, Ачылыг.

** Сагыш оожургадыкчызы*

Дээрги (Иисус Христос) Церковту үндезилээш, кижилерге [Адазындан үнүп турар] Ыдыктыг Сүлдени чоруткан. Кижилерниң камгалалы Ыдыктыг Сүлде-биле боттанып турар болганда, Церковта онзагай, аажок чугула болгаш кайгамчык мөргүл бар. Ол дээрге «Ыдыктыг Сүлдеге мөргүл-дүр».

Бо мөргүлде бис Ыдыктыг Бурган-Ада болгаш Бурган-Оглу-биле Чаңгыс Бурган болур Ыдыктыг Сүлдеге мөргүп турар бис. Мында Ыдыктыг Сүлдени Дээрниң Хааны деп адап турар бис, чүге дээрге Ол Бурган-Ада болгаш Бурган-Оглу-биле дең эргелиг, алыс шын Бурган каракка көзүлбейн бисти хаара тудуп, бүгү делегейни хөме ап турар.

Ыдыктыг Сүлдени бис Сагыш оожургадыкчызы деп турар бис, чүге дээрге Ол бисти кажыыдал болгаш хай-халап үезинде аргалап, сагыш-сек-

тиливисти оожургадып турар.

Ону алыс шынның Сүлдези дээр бис [Ону Камгалакчы ынча деп адаан Ин.15:26)], чүге дизе Ол, Ыдыктыг Сүлде болгаш, бүгүдени чаңгыс алыс шынга өөредип турар. Чүгле ол шын биске ажыктыг болгаш бистиң камгалалы-выска херектиг болуп турар. Ол - Бурган, Ол кайда-даа бар болуп база бүргөп турар.

Ол, бүгү делегейниң Башкарыкчызы болгаш, кайда чүү херегил эскергеш, ону биске хайырлап турар. Ол буянның кижилерниң эртинези, тодаргайлаарга чаагай чоруктуң үндезини, эки чүвениң үнер дөзү.

Ыдыктыг Сүлдени амыдыралдың Чаякчызы дээр бис, чүге дизе делегейде бүгү чүве Ону таварыштыр амыдырап, чурттап турар; тодаргайлаарга бүгү чүве Ыдыктыг Сүлдеден амы-тын четтирип турар. А христианнар бачыттарындан адырлып, бу-

ян-тамчыкты тып, Сүлдеден мөңгө амыдыралды ап турар (Ин.3:5).

Бис Ыдыктыг Сүлдеден «Бээр кээп, бистиң аравыска чурттап көр» - деп, дилеп турар бис. Ол дилег ийи дакпыр уткалыг болуп турар: азы болза кижини бүзүрү Сүлдениң хүрээзи, Бурганның дуганы болуксаар, азы болза Ыдыктыг Сүлде бистиң аравыска чурттап, христианнарны Христостуң чаңгыс Мага-Боду болур Церковче эптей каттыштырарын күзөп турар бис (Ин.1:14)

«Кандыг-даа бужар чоруктан арыглап көр» - деп дилеп турар бис. Тодаргайлаарга «бачыттан» дээни ол-дур. «Бистиң аравыска чорууруңга төлептиг болур кылдыр бисти ыдыктап база бистиң амы-тынывысты бачыттарывыстан камгала, ол таварыштыр биске Дээрниң Чагыргазын хайырла, тергиин буянның Ачылыг Үндезини».